

Agong, Permaisuri berangkat ke Pesta Kuantan 188

BERNAMA



AL-SULTAN Abdullah diiringi Tunku Azizah berkenan memotong kek ketika berangkat tiba sempena Pesta Kuantan 188. FOTO Bernama

Kuantan: Yang di-Pertuan Agong Al-Sultan Abdullah Ri'ayatuddin Al-Mustafa Billah Shah dan Raja Permaisuri Agong Tunku Hajah Azizah Aminah Maimunah Iskandariah berkenan mencemar duli ke Pesta Kuantan 188 di sini malam ini.

Ketibaan Seri Paduka berdua diiringi Pemangku Raja Pahang Tengku Hassanah Ibrahim Alam Shah dan kerabat diraja yang lain.

Turut hadir Menteri Besar Pahang Datuk Seri Wan Rosdy Wan Ismail, barisan kepimpinan kerajaan negeri, Presiden dan Ketua Pegawai Eksekutif Kumpulan Hospitality 360 Sdn Bhd Datuk Omar Naresh Mohan serta Pengarah Urusan Kuantan 188 Datuk Zulkifli Mohamad.

Majlis yang diadakan sempena memuliakan ulang tahun hari keputeraan Seri Paduka berdua dimeriahkan dengan acara memotong kek dan pulut kuning selain persembahan bunga api serta 'projection mapping.'

Selain itu, persembahan nyanyian oleh artis tempatan antaranya Aina Abdul, Ara Johari, Man Bai dan Raihan turut berlangsung di Kuantan 188 yang merupakan menara kedua tertinggi di Malaysia.

Disiarkan pada: September 3, 2022 @ 11:37pm